

國朝獻徵錄
(七)

陝西

布政使

孟麟

寧化龍

參政

陳觀

平思忠

陸溥

王光祖

獻徵錄 卷之九十四目錄

趙雲翔

參議

李柰

賀欽

盧襄

按察使

王英

副使

謝平

劉文



引

張原明

周軌

李岱

祝泳

于瑱

王徽

戴恩

潘高

何自學
來天

莊觀

白侃

劉瀚

王鳳壘

徐聯

章袞

葛單

黃卷

沈啟原

盧學禮

薛綸

僉事

獻徵錄 卷之九十四目錄

林嘉猷

劉道立

知府 戴浩

郝鑑

府同 朱光霽

知州 李英

柴廉

何景明

邵蕃

唐希介

劉從學

劉效祖

梁承學

梁策

石繼芳

呂益

張璣

劉昭

曹琥

施文顯

吳懋

知縣

孫墜

王命

教諭

殷奎

訓導

蕭岐

徐聰

焦太史編輯國朝獻徵錄卷之九十四目錄終

獻徵錄

卷之九十四目錄

三

焦太史編輯國朝獻徵錄卷之九十四

陝西

布政使

陝西布政使孟公麟墓志銘

皇上自興邸入正大寶刻宿弊溥鴻恩起羣英一新

庶理曲阜孟公西野以福建右參政家居奉詔復陝

西布政使公感激疏言二十事曰端聖學任輔臣

勗大臣選諫員信詔令順時序隆儉德遵律條省工

役黜貪殘崇褒賜敦師儒重撫按慎守令悉細徵飭

清節詰兵戎久將令儲倉廩禦盜賊明達剴切多見

獻徵錄

卷之九十四

一

採行衆於是知公之可用者未盡而又冀公之復用

也未幾公竟以疾終於家嗚呼惜或公諱麟字瑞魯

別號西野姓孟氏其先自揚州徙曲阜墾於臧氏因

姓焉至公弟司寇公始復其姓曾祖諱貞考諱紀儒

學訓導學者稱樂山先生以公貴屢贈工部主事員

外郎妣李氏贈安人加宜人後以司寇考洎祖皆贈

通議大夫都察院右副都御史妣洎祖母楊氏皆贈

淑人公方姓樂山公得奇夢有金梁玉柱之語彌月

公與司寇公同尊以生資凝重性開爽早克自樹爲

文辭不筆淡淡見者奇之癸卯領鄉薦甲辰登進士

築授工部都水司主事監稅餘杭衆稱廉平博學

布政張原明傳

朱睦㮮

司員外郎又陞郎中督修益王府第計公費同事者

斂手受成歸視司事規畫有方貪商猾匠計無所逞

丁內艱服闋改都水司提督南直隸水利六事於兀

侵河防占官湖者痛懲以法勢家不便陰爲之媒孽

改虞衡司在部凡若干年始終一節兩膺勅命由承

德郎晉奉直大夫以資望擢山西右叅政兢兢効職

再擢陝西右布政使以前任勘鹽事左遷浙江按察

司使轉福建右叅政巡屬督速頑者爲梗器者和之

故公致其事以歸公居官清慎委身許國第以方直

故徵錄 卷之九十四

時未究於用家居孝友耽經史所著述平淡有理
推以教人多成就者

張原明字孟復儀封人也正德六年進士授刑部主

事歷陞郎中清嚴明慎江彬錢寧嘗以事謁原明悉

峻卻彬寧銜之十四年 毅皇南巡衆情洶懼變

於是原明與郎中陸倕等合疏入諫意指近倖盡惑

上怒罰跽門五日杖三十奪俸六月及彬寧事敗

原明補四川按察副使今 上嗣位旌其忠原明特

加正三品俸尋陞甘肅行太僕卿布衣張紳獻書闕

下言原明李時董玘輩宜屬以軍國大事不報後數

年原明累遷陝西左布政使以疾乞休詔進光祿寺

卿孫鹵舉進士管尹高平有卓異之躔擢禮科給事

中累遷吏科左給事中所上數十疏皆切中時弊雖
批鱗弗計也

陝西布政使司左布政使甯公化龍墓志銘

余繼登

甯公諱化龍字文明號雲田保定新安人祖志本父節俱以公貴贈封中大夫山西布政使司右叅政祖母麗張母吳俱淑人公生五歲始能言比就外傳一意問學十一能文十四補弟子員十八廩於庠萬曆丙子舉於鄉丁丑第進士戊寅授中書舍人已卯册封周藩辛巳以考最封其兩尊人壬午陞工部都水司員外郎視慈寧宮養心殿諸工程夙夜勤事有尚方膳醴之賜旋以大慶恩加封其尊人如其官甲申

獻徵錄

卷之九十四

四

督理京城街道卽以其年權稅荊州公至荆主在禁奸節費通商惠民比得代課無溢額橐無私裝荆之人士爲詩歌以頌之丁亥督修胡良巨馬二橋日與中貴人處調停節縮不激不隨工竣賜白金文綺晉虞衡司郎中加俸一級公主虞衡一切規畫厝注誠心爲質爲大司空所倚辦聲稱藉甚己丑陞山西按察司副使備兵赤城赤城密邇虜巢青把都安兇諸酋環其外而史車二夷處其內爲邊陲重地公爲明約束嚴號令愆偷惰之習清虛耗之蠹凡所經理悉綱繆大計謂龍門虜衝獨石隔遠裨將一人難於兼

制白於部使者增叅將一人分守其地庚寅史車

吉逸出塞議者紛紛遂主易置諸將吏乃移公遼公無幾徵見詞色卽候代猶日督將士殿兵保境寇至者未幾史酋率所部寇龍門公督游擊杭大才與戰於唐子衝擒酋女所捕虜斬獲甚衆詳見督撫疏中公旣至潼關念關地據黃河上游控制三省秦之襟喉急以暇日塹土堙谷練兵積餉關若益雄而盜賊屏息壬辰陞山西布政司右叅政理屯糧屢遇負滿三載陞陝西按察使適當計吏其臧否一裁以至公至盟於神善不欲以愛憎爲毀譽戊戌陞山西

獻徵錄

卷之九十四

五

右布政使己亥陞陝西左布政使以便歸省抵家而疾作遂卒時己亥閏四月也距生嘉靖己酉得年五十有一耳公小心周慎所至以精勤舉職別歷藩臬不越秦晉熟知其民風吏弊邊事虜情使其不屯卽當秉中丞之節以大造於彼民也而公不逮矣惜哉

陝西布政司右叅政陳公觀傳略

陳觀字廷賓洪武中應明經少負雋才通經史百家學善屬文遭元季亂韜迹丘樊不干仕進自號苕峯畔隱子與鄉人方時舉郭惟貞族人本初等二十二二人作真率會會必選勝而游分韵而賦兼申之規言以道義相切劇有壺山文會集行於世明興詔郡國舉遺佚觀應經明行修科辟本府儒學訓導觀素以文行為鄉里所推及補郡校官抗顏師席諸生翕然宗之多所成就閱四歲有應詔薦觀文學者即被召命至京師朝謁觀踞眾人中獨頽然首出而貌復昏

高皇帝顧問曰彼頽而昏者何人也觀出對上

試以王猛捫鬚論稱旨不數月擢陝西布政司右叅政觀在陝歲餘奉公愛職以廉謹稱一日上忽馳符徵之時非輯瑞之期而赴召入覲縉紳榮焉及陛見上諭旨曰爾可侍吾左右觀頓首謝於是日與宋學士濂等侍上備顧問至脯廼休出勅大官再賜食觀既過天顏上益察其恭誠嘗命撰鍾山賦應制立就上嘉之於是有意大用觀矣無何聞祖母哀奔歸賜之鎰幣益異數云服除赴闕未及改拜以疾卒年四十有九觀起自卑僚特承簡注眾莫

不佞其顯庸而觀乃即世士論惜之觀持身守官動皆不苟而於清白一節尤其所長見孫或從容問陝產金其鑛何狀觀驚曰吾待罪藩寮幸不挂吏議足矣何金之問耶故其卒也妻子困甚子熊以貢入國學領承樂乙酉應天鄉薦上春官卒

陝西布政司左叅政周公琮墓碑 楊溥

監察御史周軌其先大夫叅政公之事行泣拜余曰先考歿於王事葬既有年而墓石迫今未有銘不肖孤竊聞先考嘗得識先生敢以請余固嘗愍公之歿復愍軌之情乃敘而銘之公諱琮字仲方世家鄂之崇陽大父諱均叔元宜春山長父諱德先以業儒世家母李氏父幼警敏稍長游學邑庠篤志進修遂陞太學居上舍洪武癸酉擢試刑部郎中尋真拜階奉議大夫戊寅遷浙江布政司左叅政居三載以母憂去官永樂初調河南未幾調陝西己丑冬奉獻徵錄 卷之九十四 八

參政乎思忠傳

乎思忠吳江人初為縣小吏永樂中被薦授禮部主客司主事進郎中時文皇方事招懷主客務方殷思忠有精力事皆立辦尚書呂震特器之俄以事下獄北虜入貢他任主客者皆不稱有震因以思忠為言即日赦復其官時以給事中楊弘弼為陝西布政使清強有力者伺察之遂拜思忠陝西參政未幾為人所誣謫戍北邊會有詔市馬西域以思忠管官主客多識買胡詔釋其戍給冠帶隨太監劉馬兒使吐藩諸國而還後卒於家初郡守况鍾官主客與思忠有獻徵錄 卷之九十四 九

命借戶部侍郎左獻德軍餉於邊事竣還遇寇與敵苑之定永樂庚寅三月廿五日也時年四十有八公為人端重諒直當官處事以義為制不以利害動其中其所至有為自諸生起贊邦憲推謙詳慎多所平反人以為難及為參政三任皆名藩而陝西尤為重地公治七年所部吏民咸便之及以軍興出督餉事決策前進不憚艱險期以大丈夫功業自効而不幸以死嗚呼惜哉軌亦清慎有父風自太學生擢令歸安用知者薦徵入為御史

陝西布政使司右參政李公岱墓志銘

王雲凡

正德庚午冬余謝病歸山樂平李公來會... 蔣琮事曰琮狼黠人也初守備南京欲陷維紳不測之禍以立厥醜縷瑣細誣訐臺諫數十人謫以去勢益張又連訐諸司官俛首就逮寃鬱不伸念余宰蒙恩為言官不可坐視然人方縮閱莫敢誦言攻之異時一二雄鶴敢言之士皆以時不可為解一日余騎馬出門墨墨獨行忽遇郭御史者告之故郭欣然同議乃歸疏琮大罪數事合同官上之琮遂下獄以死

蘇豫錄 卷之九十四

公為言官所論列關於朝廷政治之大者雖多惟蔣琮則當其寵幸初隆之日尤為人所難余別去數年而公病又數月而訐其子天衢以教諭沈盤狀請銘乃逸其事公之告我有以也夫按狀樂平之李先世名平定五代祖諱唐自平定來生五子次子諱從善公之高祖也曾祖諱李忠考諱寧皆稱長者而祖尤為人所信服年九十以壽遇詔冠帶考以公貴封南京刑科給事中進封南京光祿寺少卿妣劉氏封孺人進封宜人公諱岱字宗岳生而穎異長能文魁其儕輩家貧嘗躬耕曰以養親夜雨敗鄰人之垣若有

藏物家人欲取焉公聞而止之翌日其家始覺得錢數斛邑人有受金縱盜而情可原者縣令與其人有

仇欲致之死翟清者被怨家誣害死罪公皆營辦得出登成化丁未進士弘治二年拜南京刑科給事中有直聲上言檢身求言敬大臣謹天戒諸事多見采納尚書鄭時不職內官張廷縱恣殺人都御史秦公紘為安遠侯柳景誣奏公倡諸臺諫言之秦竟得白時罷去廷寘於法又言前威寧伯王越不當負緣起用公內炯弗褻謙抑簡靜為言官數年不形矜色至有檢覈勘問之事人必稱平十年遷南京光祿

蘇豫錄 卷之九十四

寺少卿每歲上供天鷲鹿腊皆以樊籠生致於洞庭嶺海五六千里之外民病之既腊或不堪充庖公於太宰倪公因災異陳言及之止徵其直上供法醞每歲酒人綱送用舟八十餘艘役夫為奸且不時至公為之籍使有統紀弊遂絕又為籍以稽錢物出納增糧以蘇庖人之困而餘子前為光祿者率以賤逸自諉公每日事事諸廢皆興見者改觀正德三年考績至京時劉瑾用事大肆饕虐公卿而下皆不以略通多至數千金少亦數百金公無所覬或曰君前至矣公曰命也奈何竟出為陳州守居無何吏部薦公為

太僕少卿瑾識其名乃令致仕公不戚而喜於是士大夫歎公有守云瑾誅公當內遷乃外補陝西布政司右參政未行丁父憂卒年六十有八

陝西布政司左參政陸公溥墓表 邵銳

予同年友錢塘平野陸公以江西左叅議權陝西左參政行至靈寶而卒爲嘉靖戊子五月也年才四十有五平野爲人冲淡雅素退然書生也至論大事決大疑慷慨激烈屹如泰山喬嶽使天假之年其豐功偉績當與古大臣齊驅並駕而僅止此悲夫歲甲午予以僕臣歸農乃平野墓木已拱宿草斯零矣悲夫悲夫雖然當 毅皇帝時寘鑄謀不軌逆瑾內應齊魯魏賊從中起天下葢岌岌矣公蒙仕職方相大司馬運籌決策動中機宜大司馬不能一時舍公羣

兜竟以次授首易危爲安公益養之素矣豈尋常微幸機會者耶既而 大駕將南征公與同省諸郎伏闕諫止廷杖幾斃予家居得邸報爲歎歎久之今想像其意氣猶恍然在予目也公可謂不死矣予又何悲公諱溥字元博別號平野丁卯舉於鄉明年戊辰成進士授兵部職方司主事壬申考績封母胡妻吳皆安人乙亥丁內艱戊寅起復補武選司員外郎已卯進武庫司郎中尋改武選卒已考績封父清河令如其官贈母封妻皆宜人出爲江西左叅議 今上改元詔煇先朝諍臣加俸一級甲申例賜封君服如子丁亥假事歸省戊子改官陝西二子相槐以子纘公未行乞表其阡嗟乎公世系里居與駁歷政績之顯著大參公志之詳也予可以無及特表其大都足信於後世者如此夫士平居放言高論奮迅激昂古今不少讓假令與公較似不及至臨事變若彼者則已厭畏若行露矣疾風勁草不其然乎與公同杖者江翰林暉仁和人可謂抗之二難云

陝西布政使司左參政祝君詠墓志銘

羅光先

君諱已丑進士中有頎然偉丈夫豐頤環睛而美鬚
舉辭遲訥不問可知為剛正恢弘人者衡陽岫嶼祝
君也余少時喜與同年談學君嘗師事湛甘泉先生
向余無支語慨然若有餘思心竊奇之以為他日磊
磊縉紳間必是人也是年授戶科給事中壬辰轉兵
科給事中在言路七年竟以方鯁忤時倖臣請內府
曰權代俸戶部許之君疏不可擅損上供竟廢閣琴
已星變有巡撫黨執政者故指事應為解君應詔力

獻徵錄

卷之九十四

破其奸其辭以瑞因德應變緣政起古之明訓也某
本布井無賴輔臣汲引驟至顯融不知圖報敢以警
史飾辭受感聖聽罪在不赦執政懼面詰曰子何獨
無舊請君拱手曰某不敢以門生私先生負天下執
政心銜之無所泄會甘肅諸夷入貢誣訐撫鎮大臣
聽之羅州威佛之懼激禍窮議不能決乃命公同大
理少卿蔡君某往驗將陰中之比驗覆君以所許坐
諸夷羣心不復株連事尋解執政計沮而君出入邊
境目擊險易虛實之故數數論列如燒河套復屯田
諸議又為當事所忌乃乘其未返詆吏部出為太平

知府三載駢髡視昔不變巡按子貨馬虐民且挾有

司為利君怒將執之而巡按又惡其直已嫁不根語

劾君事下巡撫君兩疏其寃竟得免仍左遷兩淮鹽

運司同知未幾補贛州知府贛境多盜督府憲司蒞

之憲司嘗令賞捕盜者君謂其賊不實乃屏人謂曰

吾知某非盜若奈何枉之瞋目視捕者捕者槍首不

能對具吐實立反其獄憲司不勝忿與巡按共擠君

君再引疾求去上不聽尋陞四川按察副使備兵

松潘是時西南夷騷動君乃兼程往視出鳥道徧歷

林峒撫視籌畫條其病利與巡撫王公大用意合二

獻徵錄

卷之九十四

十一

年松潘無事擢陝西布政司左參政而疾漸作無何
罷歸是時士風尚通君所持乃直信已意不少貶其
齟齬無足怪也君雖屢挫然砭砭民事惟恐一日蠹
食在戶科嘗論賦斂里甲數事行之民間衡卒輪戍
廣西邊衛多瘴疔追逼日密公私兩困君疏罷之全
活甚眾初至太平禱雨雨至蝗不為災減額郡供應
即督府憲司無所避至今贛人德之自罷歸即居岫
嶼不復往來城市市人亦不知有岫嶼關說僞禮
不至庭戶嘗與余為衡山盟間數歲必遣人問訊今
年復書不再月而君逝矣君名詠字鳴盛其先郴州

有湯人遠祖仲原始居衡陽高祖灝曾祖鑑祖鳳音
官不仕少壽華號誌木翁以公貴贈徵仕郎戶科給
亭中所遺有兩科奏疏使西漫興蜀中稿祝氏家譜
葬祭禮式存於家

陝西布政使司右參政王公光祖銘

于慎行

公諱光祖字子孝大名魏縣人也其上世出晉黎氏
五世祖鳳穩遷於魏之方里鎮鳳穩生資資生現現
生文皆隱不仕文生贈御史公璠璠娶於申生二丈
夫子公其長也申封太孺人公生有殊質遊諸生間
經行甚著嘉靖癸卯舉京兆省試其明年甲辰第進
士授夏津知縣以外艱去服除補陽信其治兩邑皆
以行能殊絕課最東省遂召為監察御史兩邑之民
恩之皆尸祝焉公既為御史巡視都城以法繩貴
不少假貸大將軍鸞幟之謹飭門下毋犯御史出按
遼左虜嘗一入塞將吏受公指畫多所斬獲而以遼
帥某不奉法上善劾其罪狀跡遠誅免故相嵩虎帥
而心曠公則遷公汝寧知府會吳中有島寇簡二千
石才者往則調公守蘇州未至而寇去吳轉掠江淮
以北則調公守登州公歷兩郡所在惠政流聞士民
德之如其邑吏久之乃擢為湖廣按察副使備兵辰
沅再擢陝西右參政分守涼州兩房寮徽威聲遠邇
蠻夷懷服是時公資望益重稍遷即至開府願以母
太孺人老家居不能從日夜念之數有歸志亦會為

志者所中迷自免也公天性孝友內行淳和居官所
餘俸入多推以與弟光考不問其出入日以歡大孺
人其瞻施宗黨族有義田里有義塾有倉以賑有城
以藏魏人頌之初公姊子鄭柱史與行同吉上口公
平生甚悉至是以承烈求銘迹公素所蘊積有長者
風乃其所居官彈劾不避城社身可摧抑而志不可
撓烈丈夫也異日者邊事敝甚其故在刺察之臣與
守吏比而謾上飭勦爲功遽誅得賞令上不聞善敗
如公之刺遼帥安得有謾上者卽邊事安從敝也

陝西布政使司右參政于公瑄墓志銘

于慎行

子冲姓于氏名瑄字子允後更名達真因字子冲其
先文登人也徙家歷城爲邑右族幾傳至太公溥太
公爲故温厚而以儻好遊稍減其產娶索夫人舉
狀于前死以史夫人造室最晚乃得子冲于冲年十
二三時魁梧豐下矩步方裾狀如耆宿資質殊絕目
所曾覽無不覆記爲博士文業名伏一時嘉靖己未
故大司空朱公開府東省爲郎君可大除舍求諸生
年相若者與同研席學使孝豐吳公曰吾有兩于生
皆國士也請置館下而子冲及子從府中執業矣其
時可大年十一歲子冲長二歲子又長于冲二歲皆
以總角操函伊吾應和輒能上下千古劬及百家交
相得也居三年而別予舉南官子冲可大復遊任城
郎第文聲交進相擊楫大河登雲龍山上愴慨悲歌
而子方卒業詞館得子冲所爲歌詩恍然自失謝不
及遠矣蓋是時子冲已從其邑李滄溟先生遊李先生
生於當世士少所許可獨進子冲與語若將以不朽
托之而一時名家如王長公輩亦從李先生所識子
冲而奇焉子冲雖爲諸生名已噪海內而子乃始操

所學爲聲病宜其遠也子冲旣以萬曆癸酉舉東宮
都試明年竣試禮部以太公病馳歸捷至而太公朕
後三年丁丑乃與可大同對廷試彼時可大聲名亦
燁然公卿間矣會有詔選吉士衆謂二君者卽不事
射覆可知也然皆不被選而子冲與同時名士沈箕
仲屠長卿輩相倡和爲歌詩名滿闕下卽沈屠諸君
子亦無不避席揖子冲者子冲以射策高等選爲澤
州知州澤州河東支郡不隸大府而得自治其屬如
大府二千石職也子冲自諸生時浮湛間里習知民
事一旦試爲郡稽核文法洞察情僞所興建便宜釐

感徵錄 卷之九十四

十一

革弊蠹皆老吏所不能爲戚惠流通上下懷服治行
爲第一居五年召入爲兵部員外郎會上相閱山陵
行出倉猝主者慮不能辦以子冲材任煩劇拜爲山
西僉事備兵昌平入曹未滿歲出爲方面故事未有
也昌平陵下小鎮戍士不滿數千二三奉邑故皆赤
壤無可供億車駕三歲中四出千乘萬騎紛屯原野
而子冲無困苦色子時從在豹尾中每過子冲卽卮
酒從容達夜終不聞吏士前白事也而馳道鉤陳掃
除供張從官羣臣卽次如歸無不出子冲所者其能
以整暇任重如此時羽林七校及漁陽上谷中山將

才來道爲營惟子冲所練毅騎錦繡裨劔旌旆修飾
畢於諸營從官咸指目問之交稱兵使者材也子冲
善重將軍董將軍者名一元兄弟更爲大將精騎射
有才畧而子冲亦能馳駿馬挽強命中居閑輒相與
戲地爲營壘羣材官健兒角射殿最賞罰以爲常或
此稱平原血懸糜兔熾火草間酌大白而啖之歌而
相樂也諸材官健兒亦皆相習以射爲戲不數年昌
平得教士數千有古幽并年少風矣大司馬知子冲
材可任衝邊請以爲山西按察副使備兵薊州薊州
者古漁陽塞也地居左輔當虜所入道備兵使者往
往卽拜開府故以屬子冲云子冲至而董將軍亦從
上谷移屯北平塞下與子冲同事相得益歡稍稍取
戚將軍所建後所廢墜者一切補直規恢軍聲大振
而會董將軍爲忌者所中解印罷去以張將軍來代
張將軍者上谷人亦嘗與子冲同守昌平一日馳而
失韉墮子冲笑顧從騎前掖將軍也射又負子冲所
因內愧恨之至而與子冲相左中丞臺有所欲護子
冲竟置之法中丞亦恨子冲張將軍出故政府門下
心知中丞指而力能中之政府主爵弗能難也遷以
爲河南參政曰極知其才望特少抑之耳子冲在北

感徵錄 卷之九十四

十三

爲河南參政曰極知其才望特少抑之耳子冲在北

邊久雅欲有所建樹及徙內地官雖少進實無所施
固不能無鬱邑去之明年值萬壽聖節奉皮壁入賀
因以母病請急罷歸歸之明年朔方軍變東西兵
臺諫爭薦子冲從告中召起補今官然不遂用之行
間而以爲旁道亦非其好也念欲上疏謝不出子馳
書勸之曰國方有難不得以親爲解遂趣裝而西行
至河內輒病瘕疽痛數日渡河又沒其所乘善馬心
甚惡之西至興平疽大發臥故人李公舍使使上書
未報而子冲卒嗟夫以子冲之才無論位遇乃所就
若此惜哉子冲爲人沉雄跌宕器識絕人規畫事機
皆有大略不爲齷齪之算其才縱橫險易無所不宜
而不能爲浮文小禮以適人耳目平生尤慕俠節即
邑里少年聞雞踴躍鳴琴踏履之娛亦無不與其間
而不能與俗士俯仰雅以文章自命睥睨千古客談
藝文其制輒自擬仰天爲弗聞也平生所心服者惟
其師李先生一人而已其爲文脈規意象本諸李而
不純用其體稍按事實更爲平易歌詩沉雄激雅即
未至李而能不失其法要其所已得業足稱雄一世
而著述未廣少所流傳爲可恨也子冲同邑所善即
與王子利子長者故太僕少卿蘇也長於子冲

而屬甚卑子利則同舍生此兩君名聲輟藉卓然不
與據其行事紀之云子冲卒數月可大以高官丞上
書適居田里過而哭子冲與子别去子冲生嘉靖丁
未卒萬曆壬辰得年四十六歲

陝西布政使司左參政趙公雲翔墓碑

公趙氏諱雲翔字元舉壽峰其別號也自前世爲平陰人代有隱德父諱廷實累贈陝西按察副使母蘇氏累封太恭人凡有四子而公爲長公坐而迥秀不羣績學工文號爲雋士隆慶丁卯舉山東省試明年戊辰第進士授文安知縣視事踰年察能調遷安威惠流聞課最左輔召入爲戶部主事司摧游墅監免湖湘皆以賢聞復改兵部歷武選職方郎中贊襄區畫事有成法大司馬倚重焉擢拜陝西按察副使兵備榆林治餉理戎軍聲大振三年秩滿晉本省左參

政備兵如故以太夫人年高疏求歸

卷之九十四

十五

撫臺梅公固

匪不可會丙戌大計言路有忌公者臨期竄入其名有詔賜罷而公已解組歸矣制府部公聞之大憤曰以趙君之賢中考功何等法也疏訟其冤詔下按臺核狀未報而朔方兵起諸大夫將以邊才薦而公病困遂不起矣公爲人魁岸豁達豐下甚髯舉止隘大不爲小文雅善談說捧觴揮塵雜以諧謔終夜不休有味乎其言之也論事當成敗與邊圉大計咸如燭照事無難易迎刃而解人所感頌一笑有餘其在文安築隄障水民不爲寇嚴備察奸寇竊遠迹邑多中

實操縱失宜舉能梗化公一切解去邊幅接以恩禮

而法紀明肅無所假貸中貴感且畏之無敢以私干者遷安地近制府在遼薊之中徵發送迎急如星火而公從容辦治如取如攜民弗聞也時奉檄行視塞上利病及將吏功罪核報如法奸慝無隱而未嘗馮怙作威有所侵冤故上下信焉其在郡套虜挾邊尉以請願得受賜如代雲中邊尉無以難也公聞狀馳詣塞外召諸酋長諭以威德使奉初約酋長噤不敢對受職如故一軍壯之其居家庭孝友嫻睦門庭藹然田產貲財若無常主三弟居積溫厚幾與公等

獻敘錄

卷之九十四

二十六

其處鄉曲降顏折節不作貴態故人父老握手道舊

歎如平生人亦忘其貴也夫其韞藉識畧風采行誼卓然一代之英而不究其施且以中壽沒焉天道謂何耶平陰爲岱西奧邑山川完密風俗淳美二三大夫皆以名德著聞而位不大顯咸謂蓄極而發所鍾必厚故吾於公有深望焉乃亦若此止焉何耶

陝西布政使司右參議李公墓表

天順壬午某月日陝西布政使司右參議致仕蒙陰李公以疾卒於家壽七十有三成化丁酉其子戶部郎中炯然謁子表其墓按狀公諱柰字時珍姓李氏其先隴西鉅族八世祖讓元金牌千戶始徙家蒙陰高祖彬卿曾祖敬元迪功佐郎判益都路沂水縣簿祖燁考昇皆隱德弗耀考後以公貴贈文林郎四川道監察御史妣倪氏封孺人公自幼岐嶷如成人長游邑庠治春秋深得聖人褒貶大旨齊魯學者多師尊之永樂庚子領鄉薦第二登宣德丁未進士除行人

蘇徽錄 卷之九十四

十一

人所至宣布德意誦善道克舉厥職以薦授南京四川道監察御史務持風裁糾舉不避權要南京守臣不法公率同列論之為之少戢尤惡貪暴有王御史者嘗納賄公按之或曰彼同僚也盍少假公曰御史為朝廷執法不敢以私親廢况同僚耶工部王員外尤黷貨每以賂免及是為人所訐公卒按如法刑部徐郎中素刻深有法不啻施者而杖殺其母子二人逮赴鞫治徐與公有舊冀得寬假竟以酷刑生罷由是有鐵板李御史之號緣豪民擊人碎其骨而死公鞫之衆皆證非枉豪以尸無傷弗承公厲

聲曰爾殺人而陰易其骨將誰欺耶豪色動一訊而

伏乃知彼賂守尸者以他骨易之也衆驚為神晉人邢小四其里有富室同姓而戎籍者賂里胥移其籍於小四復拘補伍小四按籍當行屢訴於藩臬臺省莫為直公查遠年籍冊事始白於死獄尤慎重囚婦王季奴隨其夫罰役北京夫道以季奴獨攜幼子還巡司詰之謂其殺夫也季奴不勝拷掠遂誣服械送南京法司錄其無冤將棄市適公監刑閱其案不見其夫體所在且察其容色若其戚者問曰得無冤乎季奴泣曰冤誰復肯辨耶分一死耳若求平反必更

蘇徽錄 卷之九十五

十一

加拷掠又不知幾死也公疑其情不忍行刑同事者曰法司已有成案何用疑公曰死者不可復生奈何局於成案而輕殺人耶後於他所獲其夫季奴得不死時荆南張都憲純掌院事凡他道滯獄弗決者必以屬公吏抱牘至見有公署字不更視曰李御史所錄必無免也其見信如此正統丁卯滿九載進階文林郎戊辰春冢宰抑菴王公薦補陝西參議旬宣所至務以宣上德訪民隱為急事有便於民益於國者靡不盡心為之明年督理河西邊儲邊士賴焉王都督敬為總戎注意兵備黃河迤西惟涼州兵號最

精王以公盡心國事深加禮重在河西及期當代會
邊報益急代者逗遛河東弗敢進左右勸公趣駕過
河以避公斥之曰吾荷國恩叨寄一方而今邊徼有
警宜以死報國奈何去之竟候代者至乃還先是朝
廷以虜勢猖獗命陝西守臣預爲防守時承平既久
武備多廢欲委官簡閱之衆皆憚行公毅然曰主憂
臣辱今國家多難正臣子盡節之日可避勞耶乃請
自行往來秦隴延慶間晝夜不遑寧處一卒一矢必
躬節閱由是士馬精強兵威大振偏頭關戍卒乏食
委公督運轉輸千里餽餉以足守臣以鄜州路當金
湯白豹之衝恐虜騎突入議設兵防守朝廷可其奏
衆亦規避公復請往既至繕甲兵練士馬築城浚隍
晝夜防守一方以安慶陽民苦饑有司不敢擅發通
公至責之曰民以食爲天七日不食則死矣爲民父
母忍坐視其死耶即令發賑之民有逋賦積歲不完
有司嚴刑督之公嘆曰民困故不能輸耳奈何以刑
因解其繫從容諭之同官笑曰彼頑民督促之且不
肯輸顧寬假之彼肯輸耶民皆感激相語曰此吾父
母也吾屬可不勉而使之貽譏謂乎於是爭假貸以
輸卒無負者故西人言李佛兒之號參政孫毓田戲

曰君爲御史人號鐵板今爲參議又號李佛何前剛
而後柔乎公曰御史尚彈壓參議貴撫循官固不同
政亦有異可一槩施耶孫服其言景泰壬申才逾六
十節上疏乞歸朝廷許之既歸築別墅於寶山西麓
日與故人賓客談笑觴詠爲樂教子孫讀書課僮奴
樹藝以自娛優游十年易簣之際神氣不亂遺命歿
然曰吾遭時發身官至方面得保首領以沒固無所
憾但念國恩未報汝今忝科第他日當盡忠所事以
補乃父之不足即吾屯瞑目矣公爲人恬淡寡慾於
世利紛華泊無所好性孝友蚤喪母事父能順適志
意既沒哀毀逾禮及仕以祿弗建養語及輒疏弟喪
時忌日祭必盡哀撫幼弟極友愛弟嘗鬻其田產爲
贖遺之既而又鬻又贖終無怨意弟卒撫其二孤無
異也子悉力爲舉婚娶宗戚故舊有貧乏賑之恐弗
及與人交至誠不欺或有過爲之掩覆有片善則喜
談而樂道之尤喜汲引後進督儲涼州少暇卽進諸
生爲之解析經義教爲文章學者爭自濯磨涼素乏
科舉次年歌鹿鳴而升者三人公造就之也自奉甚
儉約居常食不兼味嘗營居第子弟務求堅久公曰
苟蔽風雨足矣何過爲千百年計哉遇人窮困則矜

卷之九十四

七

卷之九十四

七

七